

आकाशवाणी

1 झारखंड च सख्त सुरक्षा बंदोबस्त हेठ दुए ते अखीरी मरहले दे 12 जिले भर दे 38 हल्के च रमानदारी कन्नै मतदान होआ।

2 प्रधानमंत्री नरेंद्र मोदी होर गुयाना दे राष्ट्रपति डॉ. मोहम्मद इरफान अली हुंदे नै जार्ज टाउन च अज्ज संझा गल्लबात करडन।

3 रक्षा मंत्री राजनाथ सिंह होरें Laos च अपने चीनी हमरूतबा हुंदे नै दक्खि बैठक कीती।

4 केंद्री मंत्री अश्विनी वैशणव होरें आखेआ जे भारत दी रचनात्मक अर्थ बवस्था 30 बिलियन डालर दे उद्योग दे तौरा पर उभरी ऐ।

5 संसद दे स्याले आहले इजलास थमां पैहले सरकार नै सर्वदलीय बैठक सद्दी ऐ।

<><><><><><>

Jharkhand-Polling

झारखंड च सुरक्षा दे सख्त बंदोबस्त दे मद्देनजर 12 जिले दे 38 हल्के च मतदान दा दुआ ते अखीरी मरहले दा मतदान रमानदारी कन्नै होआ। अज्जै दे मतदान दे मगरा ई.वी.एम च 55 महिलाएं सने 528 मेदवारें दे सियासी भाग्य

उप्पर मुहर लग्गी गई। वोटें दी गिनतरी इस म्हीने दी 23 तरीक गी होग। इस मरहले दौरान जिनें लोकें दी किस्मत दा फैसला कीता जाना ऐ, उंदे च मुखमंत्रि हेमंत सोरेन, स्पीकर रविंद्रनाथ महतो, प्रदेश भाजपा अध्यक्ष बाबू लाल मरांडी, विपक्षी नेता अमर कुमार बौरी, 4 मंत्री इरफान अंसारी, हाफिजुल हसन, दीपिका पांडे सिंह ते बेबी देवी बी चुनां मैदान च न।

<><><><><><>

President-Telangana

राश्ट्रपति द्रौपदी मुर्मू कल थमां 2 दिनें दे तेलंगाना दौरै पर रौहडन। अपने दौरै दौरान राश्ट्रपति कल हैदराबाद च कोटी दीपोत्सवम 2024 च हिस्सा लैडन। शुक्रवार गी राश्ट्रपति मुर्मू हैदराबाद च लोकमंथन-2024 च उद्घाटनी भाशण देडन।

<><><><><><>

PM-Guyana

प्रधानमंत्री नरेंद्र मोदी होर जॉर्ज टाउन च गुयाना दे राश्ट्रपति डॉ. मोहम्मद इरफान अली हुंदे कन्नै गल्लबात करडन। गल्लबात मगरा केई समझौतें पर दस्तखत होने दी मेद ऐ। प्रधानमंत्री होर त्रै दिन दे दौरै पर अज्ज बड्लै गुयाना पुज्जे। इक टकोहदी गेंs पुट्टदे होई राश्ट्रपति होरें आपूं इक दर्जन थ्वां मते कैबिनेट मंत्रिं कन्नै हवाई अड्डे पर उंदा सौआगत कीता। प्रधानमंत्री होर दुए गुयाना दी संसद गी संबोधित करडन। उंदा भारतीय मूल दे लोकें गी संबोधित करने दा बी कार्यक्रम ऐ। हाल च गै भारत ते गुयाना बश्कार उच्च

स्तरीय संपर्क च तेजी आई ऐ। राष्ट्रपति इरफान अली पिछले बरे जनवरी च प्रवासी भारतीय दिवस दे मुख परौहने हे। सेहत, राबता, अक्षय उर्जा ते पानी सरबन्धी क्षेत्र च भारत दी गुयाना कन्नै लम्मी अवधि आहली विकास भ्याली ऐ। दौरे दौरान गुयाना प्रधानमंत्री होरें गी the order of excellence सम्मान कन्नै सम्मानित करोग।

<><><><><><>

Nepali-Diplomat

नेपाल सरकार दे 10 प्रमुख मंत्रालयें ते विभागें दे 26 नेपाली राजनयिकें ते अधिकारिणं दा इक समूह अज्जै थमां 30 नवंबर 2024 तगर भारत दी यात्रा पर ऐ। इस दौरान एह राजनयिक ते अधिकारी सुष्मा स्वराज इंस्टीच्यूट ऑफ फॉरेन सर्विस, विदेश मंत्रालय, नमीं दिल्ली च नेपाली राजनयिकें ते अधिकारियें दे लेई पैहले खास सिखलाई कार्जक्रम च हिस्सा लेंगन। नेपाली राजनयिकें ते अधिकारिणं दे इस समूह च विदेश मंत्रालय वित्त मंत्रालय, उद्योग, वाणिज्य ते आपूर्ति मंत्रालय, कन्नू, न्याय ते संसदीय मामलें दे मंत्रालय, संघीय मामलें ते सामान्य, प्रशासन मंत्रालय, संस्कृति, सैलसफा ते नागरिक हवाबाजी मंत्रालय, शहरी विकास मंत्रालय, राईबाई ते पशुधन विकास मंत्रालय, भौतिक अवसंरचना ते ट्रांसपोर्ट मंत्रालय ते रेल विभाग दे प्रतिनिधि शामिल न। एहदे च नमीं दिल्ली दे बाहर ऐतिहासिक ते सैलसफा दिलचस्पी आहले शहरें ते थाहरें दा दौरा बी शामिल होग। काठमांडू च मिशन दे उप प्रमुख प्रसन्ना श्रीवास्तव होरें भारत लेई

रवाना होने थमां पैहले 26 नेपाली राजनयिकें ते अधिकारिएं कन्नै गल्लबात कीती।

<><><><><><>

Rajnath-LAOS Visit

रक्षा मंत्री राजनाथ सिंह होरें अज्ज Laos च अपने चीनी हमरूतबा हुंदे कन्नै इक दक्खिख्य बैठक कीती। रक्षा मंत्री राजनाथ सिंह होर आसियान रक्षा मंत्रिएं दी बैठक प्लस च हिस्सा लैने लेई लाओस दे त्रै दिन दे दौरै पर रवाना होई गए न। बैठक दौरान ओह क्षेत्रीय ते अंतरराश्ट्री सुरक्षा मुद्दें पर मंच गी संबोधित करडन। ADMM आसियान च सर्वोच्च रक्षा परामर्श देने आहला ते सहयोगी तंत्र ऐ। ADMM Plus आसियान दे सदस्य मुखें च ब्रुनेई कंबोडिया, इंडोनेशिया, लाओस, मलेशिया, मयंमार, फिलीपीन्स, सिंगापुर, थाईलैंड, यितनाम ते भारत, अमरीका, चीन, रूस, जपान ते दक्खन कोरिया सने 8 संवाद हिस्सेदारें आस्तै इक मंच ऐ। ADMM Plus मंत्री आसियान ते प्लस मुखें बशकार सहयोग गी मजबूत करने आस्तै सालाना बैठक करदे रेय न। सिंह हुंदा आस्ट्रेलिया, चीन, जपान, लाओस, मलेशिया, न्यूजीलैंड, फिलीपीन्स, दक्खण कोरिया ते अमरीका दे अपने समकक्षें कन्नै दक्खी बैठक लाने दी मेद ऐ। इनें बैठकें दा मकसद इनें मुखें कन्नै दक्खी रक्षा सहयोग गी होर बदाना ऐ।

<><><><><><>

Rajnath-Air Force

रक्षा मंत्री राजनाथ सिंह हों राष्ट्र दी सम्प्रभुता दी रक्षा च भारतीय वायु सेना दी समर्पण ते पेशेवरता दी सराहना कीती। कल नमीं दिल्ली च भारतीय वायु सेना दे बरे च 2 बारी लग्गने आहली कमांडरें दे सम्मेलन दौरान इस सभा गी संबोधित करदे होई श्री सिंह हों वायु सेना दी विकसित चुनौतियें दे मुआफक होने दी समर्थ उप्पर भरोसा जताया। क्षमता ते क्षमता निर्माण दी प्रक्रिया गी होर मता कुशल ते असरदार बनाने दे साधनें गी दिक्खन।

<><><><><><>

India-COP

भारत नै विकासशील मुल्खें दी माली जरूरतें गी अपनाने कन्नै जुड़ी दी बचनबद्धताएं गी पूरा करने लेई विकसित मुल्खें दा आह्वान कीता ऐ। अजरबेजान दे बाकू च संयुक्त राष्ट्र जलवायु परिवर्तन शिखर सम्मेलन लेई कॉप-29 दौरान उच्च स्तरीय मंत्रि स्तरीय संवाद जलवायु परिवर्तन तुआफक दे इक वक्तव्य च भारत नै आखेआ जे विकसित मुल्खें आसेआ उत्सर्जन कार्बन करी विकासशील मुख्य जलवायु परिवर्तन दे प्रभाव दी बुरी चाल्ली मार झल्ला रदे न। एहदे नै विकासशील मुल्खें दे लोकें दा जीवन ते उंदी रोजी-रोटी खतरें च ऐ। माली संसाधनें दे महत्वकांक्षी चलन दी फौरी जरूरतें दा जिक्र करदे होई भारत नै आखेआ जे नमां सामूहिक परिमाणित लक्ष्य दी घट्ट रफ्तार आहली अदायगी प्रक्रिया बदलदी जरूरतें गी मुआफक बनाने दे लचीलेपन दी कमी ते

सख्त पात्रता मानदंड कन्नै जटिल मंजूरी प्रक्रियाएं गी निपटाने दी जरूरत ऐ।
इस चाल्ली दी प्रक्रियाएं जलवायु वित्त हासल करने च अड़चन बनदी ऐ।

<><><><><><>

Guterres G-20

संयुक्त राष्ट्र दे महासचिव एंटोनियो गुतरेस होरें जी-20 मुख्खें गी आखेआ ऐ जे ओह गरीबी फर्कोफर्की, असमानता ते जलवायु परिवर्तन जनेह दबाव आहले मुद्दें गी दूर करने लेई कुल संसारी शासन सुधारें च अग्गे बदन। गुतरेस होरें एह बी जोर दिता जे दुनिया भरै च रमानदारी लेई संयुक्त राष्ट्र दे चार्टर शासन सरबन्धी कन्नू, संयुक्त राष्ट्र दे प्रस्ताव ते सम्प्रभुता, सियासी आजादी ते राज्यें दी इलाकाई अखंडता दे सिद्धांतें पर आधारित कारवाइएँ दी लोड़ ऐ।

<><><><><><>

Vaishnav-Economy

केंद्री सूचना ते प्रसारण मंत्री अश्विनी वैशणव होरें अज्ज आखेआ जे भारत दी रचनात्मक अर्थ बवस्था 30 बिलियन डालर दे उद्योग दे रूपै च उभरी चुकी दी ऐ। एह सकल घरेलू उत्पाद दा तकरीबन ढाई फीसद योगदान करने दे कन्नै 8 फीसद कार्यबल गी रोजी-रूट्टी प्रदान करा'रदी ऐ। अंग्रेजी ते हिंदी दे समाचार पत्रें च छपे दे इक्क लेख च श्री वैशणव होरें आखेआ जे 3 जहार करोड़ रुपें थमां मते मुल्लें दे विपणन क्षेत्र ते 2 लक्ख थमां मते पूर्णकालिक सामग्री निर्माताएं कन्नै एह उद्योग 1 गतिशील शक्ति बनी चुकेआ ऐ। श्री वैशणव होरें आखेआ जे सरकार 3 प्रमुख थम्में गी पैहल देआ करदी ऐ।

<><><><><><><><>

GS-Vishwavidyalaya

रेल मंत्री अश्विनी वैशणव होंरें आखेआ ऐ जे गतिशक्ति विश्वविद्यालय प्रधानमंत्री नरेंद्र मोदी हुंदी सोच ते नजरिए मूजब मुख्य ते दुनिया दे बेहतरीन विश्वविद्यालय दे तौर पर उभरने गी तैयार ऐ। कल नर्मी दिल्ली च शीर्ष संस्था दी पैहली बैठक दी अध्यक्षता करदे होई वैशणव होंरें आखेआ जे एह विश्वविद्यालय उद्योग ते रोजगार केंद्रित पाठ्यक्रम उपलब्ध करोआग। इंदे च रेलवे, विमानन, राजमार्ग, जहाजरानी ते रक्षा क्षेत्र कन्ने सरबंधित पाठ्यक्रम शामिल होडन। रेल मंत्री होंरें आखेआ जे भारती रेलवे प्रबंधन सेवा दे नमें नियुक्त अधिकारिएं गी गतिशक्ति विश्वविद्यालय आसेआ तय सिखलाई दिती जाग। इस सिखलाई च केंद्री सिखलाई संस्थानें ते उद्योगें थवां हासिल सैद्धांतिक ते होर दुए अनुभव शामिल होडन। एहदे मगरा गतिशक्ति विश्वविद्यालय थवां एम.बी.ए दी डिग्री थहोग।

<><><><><><><><>

All Party Meet

सरकार नै संसद दे सयाले आहले इजलास थमां पैहले इस म्हीने दी 24 तरीक गी सर्वदलीय बैठक सददी ऐ। रक्षा मंत्री राजनाथ सिंह इस बैठक दी प्रधानता करडन। बैठक च सरकार इजलास दौरान लोकसभा ते राज्यसभा दा सुचारु कम्मकाज यकी बनाने लेई सब्बै सियासी दलें दा सहयोग मंगगोग। संसद दा सयाले आहला इजलास इस म्हीने दी 25 तरीक थमां शुरू होग ते 20 दिसंबर

तगर चलोग। 26 नवंबर गी संविधान दिवस दे उपलक्ष्य च संसद दी कोई बैठक
नेई होग।

<><><><><><>

Pakistan-Attack

पाकिस्तान दे खैबर पख्तूनख्वा प्रांत दे बननू जिले दे माली खेल च इक सुरक्षा
जांच चौकी पर आत्मघाती हमले च 12 जवान मारे गए ते 10 गंभीर तौरा पर
जख्मीं होए न। एह हमला नेय समें च होआ ऐ जिसले खैबर पख्तूनख्वा ते
बलूचिस्तान प्रांतै च सुरक्षाबलें पर हमले च मता बाददा दिक्खेआ जा'रदा ऐ।

<><><><><><>

Hockey

हॉकी च भारत नै महिला एशियन चैंपियनशिप ट्रॉफी च बिहार दे राजगीर च
खेड्ढे गेदे फाइनल मैच च चीन गी 1-0 कन्नै हराई दिता ऐ। एह इक्कला गोल
दीपिका दी बदौलत भारत गी हासल होआ ते एह दीपिका दा टूर्नामेंट च 11मां
गोल ऐ।

<><><><><><>